

E C S O ' D U S.

fuidh dhà mheur dheth, agus enap fuidh dhà mheur dheth; *mar sin* do na fè meoir a thig a mach as a' choinnleir.

36 Bithidh an cnaip agus am meoir do'n obair cheudna: *bithidh* e uile 'na aon obair bhuailte *do* òr fìor-ghlan.

37 Agus ni thu dha seachd lòchrain: agus cuirear suas^a a lòchrain, a chum gu'n d'thoir iad solus thall fa chomhair.

38 Agus *bithidh* a chlobhachan, agus a smàl-shoithichean a dh'òr fìor-ghlan.

39 *Do* thalann a dh'òr fìor-ghlan nithear e, maille ris na soithichibh sin uile.

40 Agus feuch gu'n dean thu *iad* a réir an t-samhlaidh, a chaidh leigeadh dhuit fhaicinn 'san t-sliabh.

C A I B. XXVI.

A GUS ni thu 'm pàillion *le* deich cùirteinibh a dh'anart grinn toinnte, agus *do* ghorm, agus *do* chorcur, agus *do* scarlait; *maille re* cerubaibh a dh'obair ealanta^b ni thu iad:

2 Fad aon chùirtein ochd làmhha-coille thar fhichead, agus leud aon chùirtein, ceithir làmhha-coille: an t-aon tomhas do na cùirteinibh uile.

3 Bithidh cùig cùirteinean air an ceangal gach aon r'a chéile; agus na cùig cùirteinean *eile* air an ceangal gach aon r'a chéile.

4 Agus ni thu lùban do ghorm air foir aon chùirtein, o'n iomall anns a' choi'-cheangal: agus air a' mhoil cheudna ni thu 'am foir a' chùirtein a's fhaid' a mach, ann an coi'-cheangal an dara *b-aon*.

5 Leth-cheud lùb ni thu ann an aon chùirtein, agus leth-cheud lùb ni thu 'am foir a' chùirtein a *ta* ann an coi'-cheangal an dara *b-aon*; a chum's gu'n gabh na lùban greim d'a chéile.

6 Agus ni thu leth-cheud cromag^c òir, agus ceanglaidh tu na cùirteinean r'a chéile leis na cromagaibh: agus bithidh e 'na aon phàillion.

7 Agus ni thu cùirteine *do fhionna* ghabhar *gu bhi* 'nan còmhdach air a' phàillion: aon chùirtein deug ni thu dhiubh.

8 Fad aon chùirtein deich làmhha-coille thar fhichead, agus leud aon chùirtein ceithir làmhha-coille: *bithidh* an t-aon chùirtein deug *uile* dh'aon tomhas.

9 Agus cuiridh tu re chéile cùig cùirteine leo féin, agus fè cùirteine leo féin, agus dùblaidh tu 'n feathadh cùirtein air taobh beoil a' bhùtha.

10 Agus ni thu leth-cheud lùb air foir an aon chùirtein a's fhaid' a mach 'fa' choi'-cheangal, agus leth-cheud lùb air foir a' chùirtein a tha coi'-cheangal an dara *b-aon*.

11 Agus ni thu leth-cheud cromag a dh'ùmha, agus cuiridh tu na cromagan anns na lùbaibh, agus cuiridh tu 'm bùth re chéile, air chor as gu'm bi e 'na aon.

12 Agus am fuigheall a dh'fhàgar do chùirteinibh a' bhùtha, leth a' chùirtein a dh'fhàgar, crochar e thar taoibh cùil a' phàillion.

13 Agus làmh-choille air an taobh fo, agus làmh-choille air an taobh eile do na dh'fhàgadh air *am* fad do chùirteinibh a' bhùtha, crochar e thar taobhan